



INATSISARTUNI

Partii Inuit
Randi Broberg

UPA 2014/172-1
14.5.2014

PILLUGU: Inuiaqatigiit kissaataat tunngavigalugit nunap ilaani aatsitassarsiorfissanik inerisaaviusussanik pilersitsinissaq aammalu nunap ilaani allani avatangiisit, ilorrisimaarneq, inuussutissarsiutit pioreersut assigisaalluunniit tunngavigalugit aatsitassarsiorfigineqarusunngitsunik pilersitsinissaq pillugu oqallisissiamik saqqummi- usseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Oqallisissiaq innuttaasunik, soqutigisaqaqatigiinnik aalajangiisartunillu peqataatitsinikkut amerlasuunit akuuffigineqartumik oqallinnissamut toqqammavi- ussaaq. Oqallisissiaq 2015-imi upernaakkut ataatsimiinnissaq nallertinnagu naammassineqareersimassaaq.

(Inuit Ataqtigiit Inatsisartuni gruppianni ilaasortat)

Siunnersuutikkut ujartorneqarpoq, upernaakkut 2015'imi saqqummiunneqartussatut Naalakkersuisut oqallisissiornissaanik peqquneqassasut. Tassani aatsitassarsiorneq ataatsimut isigalugu, naalakkersuinikkut siunnerfilersorneq sioqqullugu, siammasissumik innuttaasut tusarniarlugillu sunniuteqaqataanissaat siunertaralugu.

Naalakkersuisut siunnersuummut akissuteqaataat qissimikkaanni atuarneqarsinnaavoq siunnersuummut ilaliinatik akerliusut.

Partii Inuit qitiusumik pingaartipparput, apeqqutini annertuuni pingaarutilinnilu innuttaasut qanimut paasissutissinneqarlutillu akisussaaqataatinneqarnissaat sunniuteqaqataasinnaanissaallu.

Ajoraluartumillu Naalakkersuisooqatigiit tamatuma qanoq pingaaruteqartiginera suli paasisimangitsutut ippaat.

Naalakkersuisuniit siunnersuut una eqqartorneqartoq pisuussutit uumaatsut atorneqarsinnaanerinik killiliinertut nalilerpaat.

Partii Inuit tassani pingaartipparput, inuiattut nalilersueqatigiissinnaanitta inerisartuarnissaa. Aamma pisuussutit uumaatsut eqqarsaatigalugit.

Taamaattumik Partii Inuit inatsisartunut kaammattuutigissavarput, pisuussutinik uumaatsunik atuiniarnermi, apeqqutit tunngaviunerusut qulajaavigineqarnissaat naapiffigeqqullugu;

- a) pisuussutinik uumaatsunik qalluinerit suut qanoq mingutsitsisarpap?
- b) pisuussutinik uumaatsunik qalluinerit inuiaqatigiinnut qanoq sutigullu sunniuteqarnissaat kissaatigaarput?



INATSISARTUNI

- c) pisuussutunik uumaatsunik qalluinerit aningaasanik isaatitsinerinnaq siunertaralugu ingerlatissavagut imal. siunissaq ungasinnerusoq eqqarsaatigalugu, uagut nammineq qalluisinnaanerput pissarsinerusinnaanerpullu inerisassavagut?
- d) pisuussutunik uumaatsunik qalluinermi inuiattut uagutsinnut iluaqutaanerpaq suussusilissagutsigu, inuiattut suut pingaartissavagut?

Pisariaqartitsineq naapertorlugu ataatsimiititaq aqqutigalugu isumaliutissiisoqarsinnaanera ammaffigaarput – pingaartumik apeqqutit tunngaviunerusut qulajaavigineqarnissaat naapiffigineqarsinnaasoralutigu.

Partii Inuit taama oqaaseqarluta, siunnersuutip akuerineqarnissaa innersuussutigaarput.